



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XXVII. Romana Religionis, seu Ecclesiæ veritas ostenditur, ex eo  
quod habeat notas veræ Religionis, manifestaque signa crebilitatis.

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

334 Octavum argumentum petitur ex supra-dictis vaticiniis tam Prophetarum sanctissimorum, quam Sybillarum, in Gentilitate famosissimarum, a quibus non solum Christus Christique mysteria, ut supra, sed & Ecclesia ipsius, florentissimusque Ecclesiae status pluribus ante saeculis praedicta, atque deinde ad litteram impleta sunt. Quæ cum nec humano, nec diabolico spiritu prævidere potuerit; solo ergo divino spiritu, seu prophetæ dono, ea præviderunt, juxta illud, *Annnuitate que ventura sum, & sciemus quia dicitur vos.* Deus ergo per vaticiniam illa testimonium reddidit veritati Christianarum religionum, ut pluribus ostendit D. Augustinus 17. Civit. 15.

335 Alia ad idem argumenta proferri possunt; sed allata sufficiunt ad sincerum veritatis amatores convincendum. Simul enim sumpta, tam efficacia sunt, ut Christianam religionem evidenter credibilem reddant, nec divina providentia, de gloria sua, deque hominum salute curam habens, permettere possit falsam religionem tot & tam credibilibus argumentis, tantisque signis & virtutibus confirmari, quibus si homines forent decepti, deceptionem suam merito tribuere possent Deo decipienti. Abstinet autem quod tantus gloriarum suarum zelotes patiatur se jure deceptorum dici: cum sit veritas nulli, & fallere ne scia. Denique, per argumenta haec tenus deducta, Christiana religio præ ceteris longe credibilissima apparet, si ilius Author, excellitia, sanctitas, propagationis modus, effectus, &c. cum aliarum sectarum Authoribus, qualitate doctrinae ipsorum, propagationis modo, effectibus, &c. conferantur. Pro nulla enim alia secta concurrunt tam credibili argumenta, nec ulla alia religio tam sanctam tradit doctrinam, nec talem habuit propagationis modum, tam mirabiles effectus, tantam confirmationem per miracula, vaticinia, &c.

336 Nostri quidem heretici, Lutherus, Calvinus, &c. suos errores miraculis confirmare conati sunt; sed per imposturam, prout manifestè apparuit, & divina providentia detexit. Dum enim impostoriæ voluerunt de mortuis facere vivos, de cæcis videntes, &c. de vivis econtra fecerunt mortuos, & de videntibus cæcos. Cumque dæmones à corporibus obfessi expellere tentaverunt, ab ipsis verbera, & subfannationes reportaverunt, uti verissimæ Historia testantur. Unde ipsis irridens Erasmus diatrib. de lib. arb. Non eredebatur (inquit) *Apostolis, nisi miraculis adfuerint sciem doctrina: nunc quilibet sibi postulat credi, se habere spiritum Evangelicum, licet, ut addit, nullus vestrum adhuc extiterit, qui vel equum claudum sanare potuerit.*

## C A P U T X X V I .

*Modus quo heretici converterendi sunt ad religionem Catholicam, seu Romanam.*

**S**icut Pagani & Jūdæi ad Christianam religionem perducendi sunt, ipsis ostendendo, solam Christianam inter omnes religiones esse veram; sic heretici ad religionem Catholicam, seu Romanam converterendi sunt, ipsis ostendendo solam Catholicam, seu Romano Pontifici obedientem, inter omnes religiones, quæ Christiano nomine recensentur, esse veram. Id vero ostendendum est dupli generi argumentorum, ex quibus priora demonstrant veritatem Romanæ religionis; posteriora omnium aliarum falsitatem.

## C A P U T X X V I I .

*Romanæ religionis, seu Ecclesiæ veritas ostenditur, ex eo quod habeat notas verae religionis, manifestaque signa credibilisatis.*

**D**ixi religionis, seu Ecclesiæ: cum enim Ecclesia sit Congregatio fidelium, ut S. Thomas ait 3. p. q. 8. a. 4. ad 2. ibi vera est religio, ubi vera est Ecclesia, ubi scilicet Congregatio est vere fidelium, id est hominum veram fidem, cultumque veri Dei profitementum. Si ergo Romana Ecclesia est Ecclesia vera, religio ipsius est vera.

Si queras 1º. quid sit Ecclesia Romana? **R**espondeo esse Congregationem fidelium, veram fidem Christianam profitentium, iisdem Sacramentis participantium, unique visibili Christi in terris Vicario, Romano Pontifici obedientium. Ex qua definitione patet, quod nec Pagani, nec Turcae, nec Judei sunt de Ecclesia Romana; quia fidem Christianam non profitentur; nec heretici; quia non profitentur veram; nec schismati, quia non obediunt Romano Pontifici.

Si queras 2º. quænam sint notæ veræ religionis, seu Ecclesiæ?

Respondent quidam heretici, veræ Ecclesiæ notam aliam non esse nisi veritatem. Sed contra, 1º. notæ veræ religionis notiores esse debent verâ religione, id est cognitu faciliore. Veritas autem religionis notior, seu cognitu faciliior non est verâ religione, ut per se patet.

2º. Veritas religionis est de essentiâ veræ religionis. Essentiâ autem veræ religionis per suas proprietates, seu proprias dotes discernenda est. Cum enim essentiæ rerum per seipias non discernantur, aliunde melius discerni non possunt, quam ex earum proprie-

tatibus. Vera proinde religio ex veræ religionis proprietatibus discernenda est, dum inter partes sibi invicem contradicentes quæritur, an illa, an ista religio sit vera: si quis enim tunc respondeat, mea est vera, quia veritas ipsi competit, idem, per id quod in quæstione est, respondebit. Cum hoc ipso quo controvertatur, istane, an illa sit vera, controvertatur, istine, an illi competat veritas.

342 3º. Omnes sectæ sibi veritatem arrogant; nec tamen omnes sunt veræ, sed fallæ omnes, unâ solâ exceptâ. Igitur ex veritate, tamquam notâ, cognoscere non possumus quæ Ecclesia sit vera.

343 Et hinc rejicitur alia hæreticorum responsio, vera Ecclesia notam esse veram prædicationem Evangelii, legitimam administrationem Baptismi, legitimam usum Eucharistiae, &c. Tam enim obscurum est, ubi sit vera prædicatio Evangelii, quam ubi sit vera Ecclesia, notamque istam sibi usurpant sectæ omnes. Nec magis notum, ubi sit legitima administratio, vel legitimus usus Sacramentorum, quam ubi sit legitima, seu vera Ecclesia; nec ulla est secta, que sibi non tribuat legitimam administrationem, legitimumque usum Sacramentorum.

344 His itaque responsionibus confutatis, ad propositam questionem dicendum, alias fuisse notas Ecclesie nascentis, & nondum propagatae, visibilem nempe Spiritus sancti delictum, concursumque miraculorum, & prodigiorum, quibus Ecclesia nascentis indigitanda fuit. Alias esse notas Ecclesiæ jam formatæ, perque terrarum orbem propagatae. Et istæ sunt quatuor illæ, quas Concilium Constantinopolitanum primum, celebratum circa annum 380. (quo tempore veram Ecclesiam adhuc substituisse non negant nostri temporis hæretici) assignat in Symbolo suo, dicens: *Credo unam, sanctam, Catholicam, & Apostolicam Ecclesiam.* Illæ enim sunt notæ veræ Ecclesie, per quæ vera Ecclesia discernitur à non vera. Sed quatuor illæ notis Ecclesia vera discernitur à non vera. Quia Ecclesia vera à non vera discernitur iis notis, quæ convenienter veræ Ecclesia & soli. Sed quatuor illæ notis convenienter veræ Ecclesia & soli. Nulla quippe Ecclesia falsa, est una, sancta, Catholica, & Apostolica. Sola igitur vera Ecclesia est talis. Proinde scilicet tantum, quænam Ecclesia sit vera, quæ falsa? respondendum, Ecclesiam illam esse veram, quæ & una est, & sancta, & Catholica, & Apostolica; falsam, quæ talis non est.

345 Quod enim vera Ecclesia sit una, Scriptura testatur Cant. 6. ubi Christus de Ecclesia Sponsa sua dicit: *Una est columba mea.* Joan. 6. *Festum unum ovile, & unus Pastor.* 1. Cor. 10. *Unum corpus multi sumus.* Ephes. 4. *Unum corpus, & unus spiritus, unum baptisma, unus Deus, & Pater omnium. Uni-*

tas autem illa est unitas fidei, & unitas Capitis, tam visibilis, quam invisibilis, ita ut omnia membra ipsius conspirent in unam fidem, juxta ilud 1. Cor. 4. *Habentes eundem spiritum fidei.* Omnia etiam uni, cedemque Capiti & Pastori unita constituant unum corpus, & unum ovile, prout audiimus ex 1. Cor. 10. & Joan. 6.

Quod etiam vera Ecclesia sit sancta, constat tum ex 1. Petri 2. *vos autem gens sancta.* Tum ex Symbolo Apostolorum, *sanctam Ecclesiam Catholicam,* non sanctitate membrorum omnium, eorumque immunitate à peccato (*regnum enim celorum,* id est Ecclesia præsens, virginibus factus & prudentius simile esse in Evangelio perhibetur; & 1. Cor. 1. Apostolus Corinthios reprehendit, quod in ipsis essent iurgia & contentiones, imò & peccata talia, *qualia nec inter gentes;* eorum tamen societatem, *sed Ecclesiam ibidem vocat sanctam*) sed sanctitate doctrinæ, pro quanto nihil docet nisi sanctum, & sanctificans animas; sanctitate etiam Sacramentorum, sacrificii & ceremonialium, quibus Deum colit.

Quod insuper vera Ecclesia sit *Catholica,* id est universalis, & per totum terrarum orbem diffusa, audivimus in laudato Symbolo, & olim prophetatum est Psalmo 2. 18. 46. 65. 71. Isaia 60. & 61. Et in Apocalypsi scriptum est: *Ex omni tribu, & lingua, & populo, & nacione, fecisti nos Deo nostro regnum.* Ecclesia proinde vera est, quæ proficit fidem extensem, & propagatam per totum mundum, & non in aliquibus regionibus, vel regnis dumtaxat.

Denique quod sit *Apostolica,* id est ab Apostolis, sub summo angulari lapide Christo Iesu fundata, patet ex Ephes. 2. *Superadversati fundamentum Apostolorum.* Et Apoc. 21. *Murus civitatis habens fundamenta duodecim, & in ipsis duodecim, nomina duodecim Apostolorum, triplici scilicet ratione. 1º. ratione doctrinæ ab Apostolis acceptæ, quam integrum & inviolatum retinet. 2º. ratione etiam continuata, & nunquam interruptæ successionis Sacerdotum, Episcoporum, & Pastorum suorum ab Apostolis. 3º. ratione Sedis Apostolica, seu Cathedra S. Petri, cui induxisse unitur. Siquidem Spiritus sanctus Apostolorum successores posuit Episcopos, regere Ecclesiam Dei. Actor. 20.*

*Probatur, quod Ecclesia Romana sit una.*

J Am quod Ecclesia Romana una sit, & 349 sancta, & Catholica, & Apostolica, probatur imprimis de unitate: quia omnes sectatores ipsius, Hispani, Galli, Itali, Germani, Europæi, Asiani, Africani, Americani habent eundem spiritum fidei, & in materia fidei conspirant, ita ut in diversitate linguarum carnis, una sit lingua in fide cordis, inquit Augustinus in Psal. 74. Cur ita: quia

omnes agnoscunt unum visibile Caput in terris, cuius iudicio ac sententia, in fidei questionibus sese submittunt. Proprietas Cathedra Petri, à SS. Patribus Cathedra unitatis appellatur. Ut enim Hieronymus l. 1. contra Jovinianum, unus eligitur, ut Capite constituto, schismatis tollatur occasio. Siquidem non aliunde heres obviate sunt, aut nata sunt schismata (ait D. Cyprianus lib. 4. epist. 10.) quam inde, quod Sacerdotis Dei non obtemperatur, nec unus in Ecclesia ad tempus Sacerdos, & ad tempus Iudex vice Christi cogatur. Igitur qui volunt unam Lingnam (prosequitur Augustinus loco citato) veniant ad Ecclesiam uni visibili Capiti subjectam, & coadunatam.

350 Voluit quippe Deus reperiri in Ecclesia sua unitatem per colligationem membrorum sub uno supremo invisibili Capite Christo, unoque visibili Vicario ipsius, totum corpus regente; ne alias in plures partes Ecclesia scinderetur, fidelesque, tamquam parvuli fluctuantes, circumferrentur omni vento doctrinae, neficientes cui potius (ex urgente concertatione) foret adhaerendum. Unde S. Hieronymus l. 1. contra Jovinianum dicit, Pontificem Romanum Ecclesia Caput esse constitutum, ut schismatis tollatur occasio.

351 Estque visibile, notam hanc Ecclesiam Romanam competere; utpote quam quisque videt unum tantummodo corpus compone ex multis Parochiis coalecens, sub eodem Episcopatu; ex multis Episcopatis, sub eodem Archepiscopatu; ex multis Archiepiscopatis, sub eodem Patriarchatu; ex pluribus denique Patriarchatis, & omnibus fidelibus, sub uno Pontifice Romano; tamquam totius Ecclesiae Capite, à quo incipit unio membrorum totius corporis Christi.

*Probatur, quod Ecclesia Romana sit sancta.*

352 **V**eram Ecclesiam sanctam esse, ne ipsi quidem negant haeretici. Ecclesia vero Romanæ sanctitas ex tribus potissimum capitibus elucefecit. Primo ex sanctitate doctrinæ, quam profitetur; secundo ex sanctitate personarum, qua in ea semper fuerunt; tertio ex sanctitate Sacramentorum ipsius, rituumque ac ceremoniarum, quibus verum colit Deum.

353 Jam vero quid sanctius doctrinæ Ecclesiae Romanæ, tot in Conciliis Generalibus contenta? Quid sanctius tot definitionibus Pontificum Romanorum, circa fidem & mores? Quid sanctius doctrinæ tot sanctorum Patrum, qui Romana in Ecclesia flouerunt, etiam post tempus illud quo haeretici prætendent veram fidem in Ecclesia Romana defecisse? Quod si particularium aliquorum Scholasticorum & Casuistarum doctrina in aliquibus non sit sancta, nihil hoc derogat sanctitati Ecclesiae, quæ eorum

opiniones non sanctas minimè probat; sed quotidie condemnat.

Caeterum dum Ecclesiam Romanam sanctam dicimus sanctitate personarum, non volumus ipsam esse sanctam sanctitate omnium personarum in Ecclesia Romana existentium (simile est enim regnum caelorum decem virginibus, quinque prudentibus, & quinque fatuis; simile quoque sagena missa in mare, ex omni genere pescium congreganti, bonos & malos) sed solùm sanctitate plurium. Estque hoc certissimum: quia Ecclesia Romana multos protulit, & quotidie profert Sanctos, qui velut Angeli humana in carne hospitantes, non una vel altera virtute dumtaxat, sed omni virtutum genere, omnique morum honestate Romanam Ecclesiam illustrant, semperque illuminarunt, velut sidera caelum; mundo mortui, orationibus instantes, in vigiliis pernoctantes, corpus macerantes, crucem jugiter ferentes, in affida rigidissimæ penitentiae afflictione perseverantes, supra naturæ fragilitatem, supra sexus teneritudinem, supra humanam consuetudinem; ut etiam videtur in omni statu & conditione, sed specialiter in Religionibus reformatis utriusque sexus, testanturque Acta canonizationis ipsorum, in quibus ad ultimas usque fibras penitissime examinandis, nulli parcitur diligentia, nihil sine certis testibus admittitur. Et ne quisquam possit existimare ipsum sanctitatem, seu negare, seu etiam in dubium revocare; Deus illi testis accedit, innumeris miraculis Sanctos suos glorificando. Quæ miracula, sicut & heroica ipsorum facta, cum non minus certis testibus argumentisque probentur, quam ulla probetur historia humana: fides ipsis rationabiliter negari non potest, magis quam omnibus humanis historiis.

Nec istis tantum argumentis Romanæ Ecclesiae doctrina probatur esse sancta, & convertens animas; verum insuper ex eo quod tot barbaras nationes ad fidem, & vitæ innocentiam convertat, ut nuper Indos, Japanes, Sinenes, &c.

Nec solùm sancta est sanctitate doctrinæ, Sanctorumque productione, sed & sanctitate Sacramentorum suorum, sanctitate instrumentorum, sanctitate etiam sacrificii incurruunt, quod in ea quotidie offertur; est que illa oblatio munda, quam in omni Ecclesia loco offerendam Michæas prophetauit cap. 1. Sanctitate denique rituum, ac ceremoniarum, quibus Deum colit: utpote quorum & quarum maiestate nihil augustinus, nihil ad excitandam pietatem, & profundissimam in Deum reverentiam accommodatus, prout experientur, qui vel impietatis, vel haereticæ præiustitatis prejudicis præoccupati non sunt, sed dono intellectus ac pietatis prædicti.

Noverint igitur Lutherani & Calvinistæ,

357  
S 3

in ea nos Ecclesia esse, in qua fuerunt tot sancti Patres, tot sancti Ecclesiae Doctores, tot sancti Martires, tot sancti Anachoretæ, tot sancti Religiosi, etiam postremorum saeculorum, à saeculo utique XII. usque in praesens, v. g. S. Bernardus, S. Dominicus, S. Franciscus, S. Theresia, &c. qui tot & tam stupendis miraculis claruerunt, tot etiam discipulos sanctitate illustres post se habuerunt. Et veram quidem Bernardi, Dominici, & Francisci ianitatem fatentur Lutherus I. de captiv. Babilon. c. 2. Melancton in sua Apolog. a. 5. & 27. aliquie haeretici plures; nec id rationabiliter de pluribus alius negant: quia nihil ex historiis proferunt quo solidè refellant historias, virtutes heroicæ ipsorum enarrantes, ac praesertim acta Canonizationis ipsorum, quibus nulla ipsorum miracula narrantu, quæ vera non sint, & certissimis testimonii comprobata.

*Probatur, quod Ecclesia Romana sit Catholica.*

358 **E**cclæsia Catholicismus nihil aliud importat, nisi quod ipsa vero moralis sensu per universum sit orbem diffusa, juxta promissionem Christi factam à Patre: *Potesta à me, & dabo tibi gentes hereditatem tuam, & possessionem tuam terminos terræ, Pial. 2.* Et hinc de haereticorum Ecclesiæ Augustinus serm. 131. de temp. dicit, quod ideo Catholica non dicuntur, eo quod per loca, & per suas quæque provincias continentur.

359 Romanam vero Ecclesiam per universum orbem vero moralis sensu esse diffusam inde manifestum est, quod in omnibus mundi partibus, Europa, Afia, Africa, America, Romana Ecclesia fides à pluribus teneatur non solum per sonis particularibus, vel negotiatoribus alienigenis, sed à pluribus regionum illarum nationibus, pluribus quoque Ecclesiis, & Episcopatibus, Ecclesiæ Romanae adhaerentibus: ita ut verissime Augustinus I. de unit. Eccles. c. 3. dicat, quod singulæ heresies in multis gentibus ubi Ecclesia Catholica est, non inventantur; hec autem, quæ ubique est, etiam ubi illæ sunt, inventur: non solum utique in quatuor illis mundi partibus, sed & in omnibus ferè earum Regnis & Imperiis, ad quæ fidei suæ Prædicatores, & Episcopos per Romanos Pontifices mittit, usque ad ultimas ejusdem mundi oras, ad Indos Orientales & Occidentales, ad Brasilienses, ad Peruanos, ad Sinenses, ad Japones, ad Calecutanos, Mogollenses, Canadenses, Iroquenes, Æthiopes, &c. quorum plerisque Christi quotidie lucrificat. Merito proinde Ecclesiæ Catholicæ nomen, non solum hodie, sed omnibus retrò saeculis obtinuit, apud ipsosmet haereticos: ita ut vere Augustinus contra epist. Manich. c. 4. dicat, quod *Catholica nomen, non sine causa, inter tam multas heresies, sic*

*ipsa sola ( omnium confessione ) obtinuit, ne cum omnes heretici se Catholicos dici velint, querenti tamen peregrino, ubi ad Catholicam conveniatur, nullus hereticorum vel basilicam suam, vel domum audeat ostendere. Simile quid legere est apud S. Cyrillum Catechesi 18.*

Denique alio adhuc titulo Ecclesia Roma 360 mania est Catholica, non solum utique à loco, verum etiam à tempore; eò quod utique teneat fidem, quæ & ubique creditur, & quæ à tempore Christianæ religionis semper credita fuit, uti proximè demonstrabitur.

*Probatur, quod Ecclesia Romana vere sit Apostolica.*

361 **P**robatur id tripliciter. Primò à continua, nec unquam interrupta successione Episcoporum, Pastorumque suorum, Romanorum utique Pontificum, à S. Petro usque ad Clementem XI. qui feliciter hodie Ecclesiæ regit. Petro namque succedit Linus, Lino Cletus, Cleto Clemens, & ita successivè usque ad Clementem XI. Secundò à successione doct:inae, quam ab Apostolis accepit, accepitque sine defectione retinuit. Semper enim secuta est doctrinam sibi à Romanis Pontificibus traxitam. Eandem vero tradidit Linus, quam tradiderat Petrus; eandem Cletus, quam Linus; eandem Clemens, quam Cletus; & sic conseqüenter descendendo usque ad Clementem XI. qui similiter eandem tradit, quam immediatus prædecessor suis, Innocentius XII.; eandem Innocentius XII. quam Innocentius XI.; eandem Innocentius XI. quam Clemens X. & ita ascenden- do usq; e ad S. Petrum. Nec demonstrari potest Romanus Pontifex, qui toti Ecclesiæ fidem proposuerit aliam à fide præcessorum suorum, uti nec demonstrari potest vel unus hodiernæ Ecclesiæ Romanae fidei articulus, quem secuti non fuerint Patres priscorum, etiam quatuor primorum saeculorum, sive qui temporibus illis vivebant, quibus haeretici nostri fatentur, veram fidem in Ecclesia Romana substituisse. Et priscos quidem Patres, etiam quatuor primorum illorum saeculorum, eandem secutos fidem, quam Romana hodie Ecclesia sequitur, ostendunt Gualterus in Chronic, Coccius in Thesauro, Bellarminus, & Canisius in controversiis suis, & ipsimet Centuriatores Magdeburgenses, utpote qui in singulis Centuriis cap. 4. sub finem annotant, quinam ex priscis illis Patribus nostra reuerteretur dogmata, propter quæ nraeos quodam ipso Novatores illi tribuant.

Tertiò, idipm probatur à successione 362 miraculorum Apostolicorum, quæ huc usque à viris Apostolicæ sanctitatis æmulatoribus in Ecclesia Romana visibiliter fiunt. De quibus cap. 25. pluribus agemus.

Non

Non mirum proinde, quod nullos unquam alios fidei suæ authores & fundatores agnoscat, nec unquam agnoverit Ecclesia Romana, quam Christum, & Apostolos post Christum. Nec alios assignare possunt, nec unquam potuerunt adverterari ipsius. Ipsius verò, seu alii Religionarii omnes, alios habent notos Authores, à quibus cognominantur: Simonem utique Simoniani; Marcionem Marcionistæ; Basiliudem Basiliidiani; Saturninum Saturniani; Valentinius Valentianiani; Sabelium Sabeliani; Arium Arian; Nestorium Nestoriani; Eunomium Eunomiani; Macedonium Macedoniani; Eutichem Eutichiani; Wicelleum Wicellistæ; Lutherum Lutherani; Calvinum Calvinistæ, &c. Nos à nullo homine particulari denominamur, nisi à Christo Christiani: quia alium non habemus fidei nostræ Autorem. Catholici quidem cognominamur, cumque S. Paciano in epist. ad Sempronian. dicere possumus: *Christianus mihi nomen est, Catholicus vero cognomen; sed Catholicum ihsud* (prosequitur Pacianus) *nec Marcionem, nec Apellem, nec Montanum* (addimus nos, nec Lutherum, nec Calvinum) *sunat, nec haereticos sumit Autores.* Quod si à Lutheranis & Calvinistis Papistæ, vel Romani, seu Romanenses vocitemur, nomina equidem ista non sunt nomina derivata ab homine aliquo particulari, velut novo Authore fidei nostræ, à quo denominemur (quemadmodum denominantur haeretici) econtra nomina ista testimonium perhibent antiquati, & veritati fidei nostræ. Ideò namque Romanenses nos vocant, quia Romano Pontifici, Vicario utique Christi obedimus. Ideò verò Papistæ (qualiter tamen non cognominamur, nisi in paucis regionibus, in quibus Lutherani, Calvinistæ, & similes gravissunt; non enim in Gracia, Asia, Africa, America) quia Papa adhæremus tamquam visibili post Christum Ecclesiam Capiti; qualis etiam fuit S. Petrus, ac deinde ipsius Romana in Cathedra successores.

363 Valde fortia sunt ad convincendos haereticos argumenta, ex quatuor prædictis vera Ecclesia propriis dotibus, seu notis petita; sed cæteris fortius est, quod ex ipsius Apostolicimo petitur, sive ab Ecclesia Romana descendit ab Apostolis per continuam successionem. Ideò vim illius multis subtilitatibus haeretici conantur eludere, sed ad id nihil solidi adferunt. Quia illud nos eo modo, eodemque sensu contra modernos haereticos urgamus, quo prisci Patres, etiam priorum quatuor faculorum, contra sui temporis haereticos illud urserunt; eodem (inquam) modo Romanam Ecclesiam hodiernam demonstramus esse Apostolicam, adeoque legitimam & veram, quo sui temporis Ecclesiam Romanam Apostolicam esse, ipsi demonstrarunt; nec istius Apostolicis mi argumentum adferri potest certius eo,

quo prisci illi Patres usi sunt ad eundem Apostolicismum demonstrandum.

Porrò ad demonstrandum veræ Ecclesiæ 364 Apostolicisnum, Romanos enumeraverunt Pontifices, qui à S. Petro usque ad sua tempora in Cathedra S. Petri secederunt, & inde conculcerunt, in ea se Ecclesia esse, que à Christo, & post Christum ab Apostolis fundata fuit, cum in illa essent Ecclesia, cuius Caput per continuam successionem à S. Petro ( primo Chriti Vicario ) descendebat. Sic argumentatus est S. Irenæus ( qui floruit circa annum 180. ) l. 3. contra haereses c. 3. ubi enumerat undecim Romanos Pontifices, qui successivè præcesserant Eleutherum Papam, qui tunc in Petri Cathedra secedebat; tantique facit argumentum istud, ut dicat, per illud *confundi omnes eos, qui quoquo modo, vel per sui placentiam malam, vel vanam gloriam, vel per cecitatem & malam sententiam, praterquam quod oportet colligunt.* Idem argumentum paucis post annis, circa annum utique 200. usit Tertullianus l. de præscript. c. 32. sicut & S. Hieronymus epist. 57. necnon Dialogo contra Luciferian. Epiphanius haeresi 27. Augustinus l. 28. contra Faust. c. 2. & 4. Optatus Milevitanus ( qui floruit circa annum 365. ) lib. 2. contra Parmen. Ubi & ipse omnes recenset Pontifices Romanos à S. Petro, usque ad Syricum, qui tempore ipsius Romæ secedebat, concluditque, Donatistas in vera Ecclesia esse non posse; quippe qui à Catholica Ecclesia exclusi, talem successionem proferre non poterant: *Vestra ( inquit ) Cathedra originem ostendit, qui vobis vultis sanctam Ecclesiam vindicare. Quid verò Tertullianus? Edant ( inquit ) haeresci origines Ecclesiarum suarum, evolvant ordines Episcoporum suorum, ita per successionem ab initio decurrentem, ut primus ille Episcopus aliquem ex Apostolis, vel Apostolicis Viris, qui tamen cum Apostolis perseveraverit, Autorem habuerit, vel antecessorem. Quicumque enim hoc ostendere non possunt, ostendere non possunt se legitime à Deo vocatos & missos; se proinde legitimos esse vera Ecclesiæ Ministros. Soli verò vera Ecclesiæ Ministri, per continuam successionem ordinis & Jurisdictionis ab Apostolis descendentes, vel à descendantibus delegati, sunt legitimi veræ Ecclesiæ Ministri. Alii omnes intrusi sunt, spurii & falsi Ministri, de numero eorum, de quibus Hieremias 13. Non mittembam Prophetas, & ipsi currabant. Et Joan. 10. Qui non intrat per os, sed ascendit aliunde, ille fur est & latro. Omnes quoque venerunt, sine dicta utique missione, fures sunt & latrones. Quos ut ad veram Ecclesiam suaviter revocaret Augustinus in Psalmo contra partem Donati sic loquitur: *Venite fratres, si vultis ut inferi in viue. Dolor est cum vos videamus præciosos jacere. Numerate Sacerdotes, vel ab ipsa Petri sede, & in illo ordine Pa-**

trum quis cui successit, videte. Ipsa est petra, quam non vincunt superbe inferorum porta.

365 Pro solutione argumenti, ex continua Romanorum Pontificum successione petiti, quod, cum priscis Patribus, cādem quā ipsi vi, & eodem modo proposuimus, vim proinde tam habet contra modernos, quā contra priscos hereticos, unum ipsi repnunt, quod licet Ecclesia Romana descendat ab Apostolis per continuam successiōnem Romanorum Pontificum, non perleveraverit in fide ab Apostolis accepta, sed ab ea defecerit; ideoque Apostolica dici non posuit.

Sed solutio prorsus est nulla. Tum quia nemo non videt per eam argumentum nostrum non enervari, vel enervati argumentum illud Patrum antiquissimorum, cui illud ipsum antiqui hæretici reponere potuissent, quod Calvinistæ reponunt & Lutherani. Tum quia Ecclesia vera deficere non potest, ut proximè demonstrabitur. Si ergo Romana Ecclesia, quā ab Apostolis per continuam Romanorum Pontificum successiōnem, usque ad quintum saeculum v. g. vera fuit, verèque Apostolica; idque prisci illi Patres argumento ex illa successione petitū benē probaverint; eodem & nos benē probamus, eandem Romanam Ecclesiam usque ad præsens saeculum Apostolicam perseverare, veramque proinde esse, nec deficere.

## CAPUT XXVIII.

*Romana Ecclesia, seu religionis veritatem amplius demonstrant antiquitas ipsius, indefatigabilitas, seu duratio indeficiens, & gloria miraculorum.*

366 Miraculorum gloriam pro certo & indubitate vera Ecclesiæ signo Veritas ipsa proposuit Matth. 11. *Cacci vident, claudi ambulan, &c.* Et Marci 16. *Signa autem eos qui crediderint, hoc sequentur, in nomine meo demonia ejicient, &c.* Eandem esse necessariam ad probandam Ecclesiæ, seu religionis, vel etiam extraordinaria missionis veritatem, ex sacris habemus testimoniis. Siquidem Exodi 4. ad probandum missionem Moysis ad Iraclitas, cū Moyses Deo dixisset: *Non credent mihi, neque audiēt vocem meam;* Deus ipsi dedit miraculorum potestatem, ut credant (inquit) quod apparet sibi Dominus. Cūque Matth. 10. Salvator misit Apostolos ad prædicandum, potestatē miraculorum ipsi pariter concessit: *Infirmos curate, mortuos suscitare, leprosos mundare, demones ejicere, ut sint inexcusabiles, qui non crediderint.* Quia, ut Joan. 15. ait: *Si opera non fecissem in eis, que nemo aliis fecit, peccatum non haberent.*

367 Ad demonstrandam ergo veritatem fidei ab Apostolis, & Apostolicis virtutis prædicatae

initio Ecclesiæ, miracula ab ipsis tam crebra facta sunt, tamquam veritatis illius signa. Cū enim solā Dei virtute miracula vera fieri queant, fides miraculorum signo demonstrata, ipsomet Dei (qui Veritas est) testimonio demonstratur.

Et hinc Romanam Ecclesiam esse veram, 368 veræque fidei depositariam, hoc syllogismo demonstratur. Ecclesia illa vera est, veræque fidei depositaria, in qua est gloria miraculorum. Hæc autem est, semperque fuit in Ecclesia Romana, uti constat ex dictis num. 330. & seqq. Igitur Ecclesia Romana est vera, veræque fidei depositaria.

Nec refert quod pleraque miracula, quæ 369 in ea sunt, directè fiant ad demonstrandam sanctitatem, & gloriam Sanctorum: cū co ipso indirectè fiant ad demonstrandam veritatem fidei & Ecclesiæ, in qua vivunt, vel vixerunt Sancti illi: utpote quos Deus idèo per miracula illa glorificat, quia per ea verè Sanctos esse demonstrat. Non essent autem verè Sancti, amicique Dei, sine vera fide. Quia *iustus ex fide vivit.* Et, *sine fide impossibile est placere Deo.*

Eandem veritatem insuper demonstrat 370 Ecclesiæ Romanae antiquitas: siquidem (Augustino teste) antiqua est veritas, novitium, & temporale mendacium. Atque, ut Nazianzenus ait orat. 10. *veritas non tantum persuadetur ratione, sed etiam amplificatur antiquitate, à qua praescribendi quasi vim habet.* Atqui Ecclesia Romana tam antiqua est, ut à Christo, & Apostolis sit fundata (uti demonstratum est capite præcedenti) ipsis proinde coœva. Igitur est Ecclesia vera, omnique Ecclesiæ seu religioni postmodum natæ reponere potest cum Tertulliano l. 5. de præscript. *Qui estis vos? unde, & quando venistis? ubi tandem latuistis?* Cumque Hieronymo epist. ad Pammach. & Ocean. *Quisquis affertor es novorum dogmatum, quod te, ut parcas Romanis auribus, parcas fidet, quæ Apostolico ore predicata est. Cur post 400. annos (Lutherani, & Calvinianis jam dicere possumus post 1700.) docere nos niteris quod ante nescivimus? usque in hanc diem sine istrâ ista doctrina mundus Christianus fuit.* Lutherani proinde, & Calviniani (prout idem Hieronymus ait in l. contra Luciferian.) ex hoc ipso quod posterius instituiti sunt, eos sò esse indicant, quos futuros Apostolus prænuntiavit: *In novissimis diebus discedent quidam à fide, attendenties spiricibus erroris.* I. Timoth. 4. *De quibus etiam Salvator Matth. 24. Surgent pseudoprophetæ, non custodiennes utique depositum, de quo idem Apostolus l. Timoth. 6. O Timorhee depositum custodi, devitans prophanas vocum novitates.* Depositum illud Romana custodit Ecclesia, utpote eam fidem, doctrinamque tradens, quam à Christo & Apostolis accepit, uti ante probavimus, ex eo quod fidem suam à Petro primo Episcopo suo accepit.